



Bosna i Hercegovina
Federacija Bosne i Hercegovine
Kantonalno tužilaštvo
Bosansko-podrinjskog
kantona - Goražde

Broj: A-285/2

Goražde 16.07.2024

Na osnovu člana 30. Zakona o Kantonalnom tužilaštvu Bosansko-podrinjskog kantona Goražde (Službene novine BPK-a broj 21/02) i člana 2. stav 1. član 7. i član 84. stav 1. Zakona o zaštiti i postupanju s djecom i maloljetnicima FBiH (Službene novine FBiH broj "br.71/2014 i 74/2020), člana 7. Pravilnika o unutrašnjoj organizaciji i poslovanju KT BPK-a Broj:A-138/20 Goražde, 10.06.2020.godine, Pravilnika o održavanju web stranica pravosudnih institucija u okviru pravosudnog portala Visokog sudskog i tužilačkog vijeća BiH broj 09-50-i 391 i 2/2010 od 24.10.2010, Smjernica za objavljivanje tužilačkih i sudskih odluka na službenim web stranicama Visokog sudskog i tužilačkog vijeća BiH (koje je Visoko sudsko i tužilačko vijeće Bosne i Hercegovine usvojilo na sjednici održanoj 20. i 21.03.2024. godine) , Odluke o uspostavljanju web uredništva Kantonalnog tužilaštva KT BPK-a broj A-285/1 24 od 16.07.2024. godine. Glavni kantonalni tužilac d o n o s i :

PRAVILNIK O RADU WEB UREDNIŠTVA KT BPK-A

Član 1.

Primjena Pravilnika

Ovim Pravilnikom uređuju se organizacija, način rada i poslovi koje izvršava web uredništvo Tužilaštva, kako bi se omogućilo pravovremeno informisanje javnosti o radu Tužilaštva. U svom radu web uredništvo je dužno pridržavati se odredaba Pravilnika o održavanju web stranica pravosudnih institucija u okviru pravosudnog Portala.

Član 2.

Sadržaji web stranice sačinjeni su od informacija koje mogu biti u formi teksta, slike, tabele, liste ili video zapisa.

Član 3.

Članovi web uredništva

Članovi web uredništva su odgovorni za izgled i sadržaj web stranice Tužilaštva.
Web uredništvo uključuje sljedeće osobe:

- glavni urednik;
- urednik web sadržaja;
- web administrator;

U rad web uredništva mogu se uključivati i drugi zaposleni u Tužilaštvu, blagovremeno dostavljati relevantne činjenice urednicima web sadržaja.

Član 4.

Glavni urednik je Glavni tužilac Kantonalnog tužilaštva BPK-a i obavezan je da organizuje nesmetan rad web uredništva u redovnim uvjetima rada Tužilaštva. te odobrava sadržaj za objavljivanje na web stranici.

Član 5.

Urednici web sadržaja

Urednik web sadržaja je Stručni saradnik za odnose s javnošću - Portparol. odgovoran je za prikupljanje informacija koje se objavljuju na web stranici. a naročito je odgovoran za prikupljanje provjera, obrada i uređivanje informacija - pripreme za objavu, mogućnost objave odobrenog sadržaja od strane Glavnog urednika, kao i ažuriranje. Briga o gramatici i pravopisnoj ispravnosti sadržaja koji se objavljuju i drugih elemenata koji se objavljuju uz informacije na web stranici. Stara se o zvaničnosti i relevantnosti sadržaja koji se objavljuju na web stranici. Obavlja poslove odnosa s javnošću;

Član 6.

Web administrator

Web administrator je odgovoran za obavljanje informatičko-tehničkih poslova potrebnih za web stranicu. Unos i ažuriranje sadržaja web stranice koje pripremi i odobri web uredništvo. Arhiviranje i uklanjanje sadržaja web stranice u skladu s odlukama web uredništva. Pružanje tehničke podrške ostalim članovima web uredništva. Prikupljanje statističkih podataka vezanih za korištenje web stranice, na osnovu kojih daje prijedloge o daljem razvoju i poboljšanju sistema web uredništva.

Član 7.

Transparentnost i javnost

Objavljivanje informacija o tužilačkim odlukama na internet stranicama pravosudnih institucija je pored ostalog, važan način osiguravanja javnosti i transparentnosti rada pravosuđa i pomaže da šira javnost bolje razumije krivični postupak i bude informirana o njegovom toku i ishodu, čime se jača i povjerenje javnosti u rad pravosuđa.

Član 8.

Zaštita interesa djeteta i maloljetnika

Dijete i maloljetnik je svaka osoba mlađa od 18 godina. Lični podaci o takvoj osobi se ne mogu objavljivati i moraju biti zaštićeni tokom cijelog postupka i bez obzira na status te osobe u konkretnom postupku.

Član 9.
Zaštita interesa svjedoka

Lični podaci svjedoka se ne objavljuju sve do završetka njegovog saslušanja pred sudom nakon podizanja optužnice, dok se lični podaci ugroženih i zaštićenih svjedoka ne objavljuju ni nakon donošenja presude, osim ako sud ne odluči drugačije.

Član 10.
Objavljivanje tužilačkih odluka, akata i informacija o predmetima

Za objavljivanje tužilačkih odluka, akata i informacija o predmetima koriste se službene web stranice tužilaštava i drugi informacioni kanali. Tužilaštva obavještavaju javnost o pojavama i problemima od opšteg značaja koja su zapazila u svom radu, te o predmetima u kojima postupaju, a sve u granicama i u skladu sa interesima postupka, sa posebnim akcentom na predmete od javnog interesa.

Pod tužilačkim odlukama smatraju se optužnice, naredbe o neprovođenju istrage i naredbe o obustavi istrage.

Član 11.
Izvodi iz potvrđenih optužnica

Tužilaštva mogu objaviti izvode iz optužnica u svim predmetima bez ograničenja vezanih za prirodu i težinu krivičnog djela u skladu sa svojim kapacitetima i resursima, poštujući principe definisane ovim Smjernicama.

U predmetima od javnog interesa, tužilaštva će uz izvode iz optužnica objavljivati odgovarajuća saopštenja za javnost.

Član 12.
Izvod iz optužnice sadrži:

- 1) naziv tužilaštva koje je podiglo optužnicu, broj i datum optužnice;
- 2) podaci o optuženoj osobi i to: ime i prezime, godina i mjesto rođenja, ako je riječ o predmetu od javnog interesa, odnosno anonimizirani podaci u ostalim predmetima. U slučaju pravne osobe, objavljuju se puni podaci o pravnoj osobi kako su navedeni u optužnici;
- 3) činjenični i pravni opis krivičnog djela, bez imena oštećenog/ih, svjedoka i trećih lica, i drugih podataka koji mogu otkriti identitet ovih lica;
- 4) pravna kvalifikacija krivičnog djela;
- 5) a. prijedlog za određivanje/produženje pritvora/mjera zabrane,
b. određivanje mjera osiguranja oduzimanja imovinske koristi,
c. donošenje privremene mjere osiguranja imovinskopravnog zahtjeva,
d. izricanje mjera bezbjednosti;

Član 13.
Informacije o podignutim optužnicama

Informacija o podignutoj optužnici može se objaviti i prije njenog potvrđivanja kroz saopštenje za javnost, i to po procjeni glavnog tužioca uz korištenje jednog od sljedećih kriterija:

- a) predmet izazvao poseban interes javnosti;
- b) osumnjičeni/a bio/la javna osoba/sluzbeno lice;
- c) podaci o osumnjičenom/oj od ranije poznati javnosti;

U ovakvim slučajevima kada optužnica djelimično ili u cijelosti ne bude potvrđena, preporučuje se tužilaštvima da objave i te informacije, a nakon što sud donese pravosnažnu odluku o optužnici.

Član 14.

Naredbe o neprovođenju istrage i naredbe o obustavi istrage

Naredbe o neprovođenju istrage i naredbe o obustavi istrage neće se objavljivati zbog interne prirode takvih akata, već će se javnost o istima informisati putem saopštenja za javnost, a nakon odluke po eventualno ulozenom prigovoru, odnosno pritužbi. Tom prilikom potrebno je jasno navesti razloge njihovog donošenja, uz napomenu da u predmetima u kojima je obustavljena istraga uslijed nedostatka dokaza, protiv tih lica istraga se može ponovo otvoriti, ako se pojave nove činjenice i dokazi koji ukazuju da postoje osnovi sumnje da je lice počinilo krivično djelo.

Izuzetno, ove odluke se mogu objaviti u integralnom tekstu u predmetima od javnog interesa, a po procjeni glavnog tužioca.

Član 15.

Objavljivanje tužilačkih akata

Ostali tužilački akti poput naredbe o provođenju istrage, te prijedlozi za određivanje pritvora/mjera zabrane i dr. neće se objavljivati zbog interne prirode takvih akata. Naime, ovi akti sadrže informacije čijim se saopštavanjem osnovano može očekivati izazivanje štete za legitimne ciljeve u sprječavanju i otkrivanju kriminala, odnosno informacije koje se između ostalog tiču i dokaza, a čije izlaganje javnosti može otežati ili onemogućiti sprovođenje pojedinih istražnih radnji ili ugroziti eventualne buduće istrage u takvim predmetima.

Glavni tužilac može da po svojoj procjeni o donošenju ovih akata informisati javnost kroz adekvatna saopštenja, rukovodeći se kriterijima koji važe za informisanje javnosti o podignutim i nepotvrđenim optužnicama.

Član 16.

Objavljivanje ostalih informacija o predmetima u fazi prijave i istrage

Informacije o predmetima u fazi prijave i istrage u pravilu se neće proaktivno objavljivati. Izuzetno, ako je to u interesu predmeta, objektivnog informisanja javnosti ili na zahtjev zainteresovanih lica i medija objavit će se informacija o zaprimanju prijave i aktivnostima koje se poduzimaju u cilju donošenja tužilačke odluke.

Član 17.

Presumpcija nevinosti

Uz sve informacije i odluke koje se objavljuju do pravosnažnosti presude, potrebno je objaviti i napomenu o načelu presumpcije nevinosti. u slijedećem obliku:

"Molimo vas da prilikom preuzimanja ili prenošenja informacija koje objavljuje Kantonalno tužilaštvo Bosansko-podrinjskog kantona o predmetima u kojima su osobe osumnjičene ili optužene za krivična djela, imate u vidu načelo presumpcije nevinosti koje definira da se niko ne može smatrati krivim dok mu se krivica ne dokaže pravosnažnom presudom"

Član 18.
Trajanje objave

Optužnice u predmetima od javnog interesa bile objavljene u trajanju dvije godine. Ostale odluke, akti i informacije biće objavljene u trajanju do jedne godine. Ukoliko prije isteka roka trajanja objave bude donesena pravosnažna sudska odluka, optužnica u tom predmetu ili druge informacije uklonit će se u roku od 30 (trideset) dana od dana pravosnažnosti sudske odluke.

Član 19.
Prvostepene i pravomoćne presude

Presude su javne i u načelu se objavljuju bez ograničenja vezanih za prirodu i težinu krivičnog djela; u pravilu se osigurava objavljivanje presuda za ona krivična djela za koja se objavljuju optužnice.

Član 20.

Urednik web sadržaja i web administrator za svoj rad odgovaraju Glavnom uredniku, odnosno, Glavnom tužiocu.

Član 21.

Ovaj pravilnik stupa na snagu danom donošenja.



Glavni kantonalni tužilac
Predrag Golubović

[Handwritten signature]